

in Gasthuf un hot a bissel gefrühstückt. Ach racht viel klaane Gunge troten do rüm, hatten de Händ in Husentaschen un hob'n neugierig de Gusch aufgesparrt; se wollten halt aah amol saache, wos bei ner Auktiu gemacht ward.

Links un rechts von der Haustür war a wing Ackerzeig, a Schiebuf, a Laaffarrn, a Sudelfos, a Saagbuf un noch klennerer Sachen, wie Rachen, Heigobeln, Krauthacken un Draschlegeln. In Haus drinne standen Schränk, Tisch, Stühl, Bänk, a Kanapee, a Geloschränk un a Hasen kläs Klüchenzeig; uff en lange Tiesch log a großer Pack alle Klaader.


Nu kam der Amtma mit der Klapp unner Arm un en klenn Hammerle in der Hand; daar setzet sich an en Tiesch, un sei But schleppet'n immer de Sach haar. Nu gieng's lus. „Wos werd gebuten, zum ersten, zum zweeten, zum dritten un letzten!“ Do floppet 'r, un dernochert war's Ding wag. Der August stand do un hot große Klang gemacht, su wos hat er sei Labestog noch net gesaache un kam

aah net geleich derhinner, wie er'sch machen müßt, wenn er wos derstiehe wollt. Uff dan Laaffarrn hot er ober tüchtig gespannt un hot aufgepaßt wie a Hastelmacher. „Dan,“ dacht er, „wirsch de dir für a billig Wald miet ahamm namme; als er ober drakam, hot der August in der Masche 's Ding ver-saache un erscht gebuten, wie er schie wag war. De Zeit hom racht drüber gelacht. Aus Marget saht er zun Rand: „Nu gerod, nu derstiech ich wos, un wenn's meitwaagen ene alle Hus sei söll.“

Wie er su ne Stund dogestanden war, kam a aller Keengschärm dra; daar wur ausgebuten wie sauer, un weil'n gar niemand hom wollt, leget'n der But wieder uff de Seit. Do saht der August noch fix: „War iech'n namme,“ un but suffzig Pfeng. Der Amtma hot zugeschlah un hot ne gaam.

Dernochert ging der August mit'n Rand, daar en Schiebuf derstanden hatt, ahamm. Sei Henerettel war benn Aissen un hot schie lang uff jenn Ma gelauert; ball de Klang hot sich's ausgequkt; 's war

doch ze neugierig un wollt anegenied¹⁾ wissen, wos er mietbrenge ward. Do kam der August abgewoten, in der Hand jenn Stacken un unner Arm dos derstandene rute Pärpelie. Saht's Henerettel: „Nu August, bist de dä wieder do; wu hast de dä ne Laaffarrn?“ „Ach wos Laaffarrn! bei dan lief's Rod ze schnell, wie ich gebuten ho, war er fix wag.“ „Nu, wos haste dä?“ „Nu, Henerettel, guf ner haar, dos schiene Pärpelie; 's is werkllich wos Schie's un billig, 's kost aah nár suffzig Pfeng.“ „Weis amol haar,“ saht seine Fraa, machet's Bannel auf un spannet 'n aln Schärm auf. Do gieng ober a Dunnerwatter lus, se machet a mordsbies Gesicht, fuhr 'n August ab un saht: „Dummer Kalmes, du bist wuhl a bissel olbern wurn, wos hast dir dä do aufhänge lossen? Daar ale Schärm is doch keen Keigrosch waart; do reengt's doch dorch, guf ner amol



Nürnberg: Die Moritzkapelle mit dem Bratwurstglöcklein. (Zu S. 71.)

¹⁾ ohne Gnade, f. v. w. unter allen Umständen.